



Համարը N 451-Ն

Տիպը Որոշում

Սկզբնադրյուրը ՀՀՊՏ 2018.04.25/34(1392).1  
Հոդ.606.7

Հնդունող մարմինը ՀՀ կառավարություն

Ստորագրող մարմինը Վարչապետի պաշտոնակատար  
Վավերացնող մարմինը

Ուժի մեջ մտնելու ամսաթիվը 26.04.2018

Տեսակը Պաշտոնական  
Ինկորպորացիա

Կարգավիճակը Գործում է  
Հնդունման վայրը Երևան

Հնդունման ամսաթիվը 12.04.2018

Ստորագրման ամսաթիվը 16.04.2018  
Վավերացման ամսաթիվը

Ուժը կորցնելու ամսաթիվը

**Կապեր այլ փաստաթղթերի հետ**

**Փոփոխողներ և ինկորպորացիաներ**

ՀՀ ԿԱՌԱՎԱՐՈՒԹՅԱՆ ՈՐՈՇՈՒՄԸ ԳԻՏՈՒԹՅԱՆ ԵՎ ԿՐԹՈՒԹՅԱՆ ԲՆԱԳԱՎԱԾՈՆԵՐՈՒՄ  
ՆՇԱՆԱԿԱԼԻ ՆՎԱՃՈՒՄՆԵՐ ՈՒՆԵՑՈՂ ՔԱՂԱՔԱՑԻՆԵՐԻՆ ՊԱՐՏԱԴՐ ԶԻՆՎՈՐԱԿԱՆ  
ԾԱՌԱՅՈՒԹՅԱՆ ԶՈՐԱԿՈՉԻՑ ՏԱՐԿԵՏՈՒՄ ՏԱԼՈՒ ԿԱՐԳԸ ԵՎ ՊԱՅՄԱՆՆԵՐԸ ՍԱՀՄԱՆԵԼՈՒ, ՀՀ  
ԿԱՌԱՎԱՐՈՒԹՅԱՆ 2002 ԹՎԱԿԱՆԻ ՕԳՈՍՏՈՍԻ 29-Ի N 1394-Ն ԵՎ 2015 ԹՎԱԿԱՆԻ ՓԵՏՐՎԱՐԻ  
5-Ի N 117-Ն ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ, ԻՆՉՊԵս ՆԱԵՎ ՀՀ  
ԿԱՌԱՎԱՐՈՒԹՅԱՆ 2000 ԹՎԱԿԱՆԻ ՀՈՒՆՎԱՐԻ 13-Ի N 15 ՈՐՈՇՈՒՄՆ ՈՒԺԸ ԿՈՐՑՐԱԾ  
ՃԱՆԱՋԵԼՈՒ ՄԱՍԻՆ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

12 ապրիլի 2018 թվականի N 451-Ն

ԳԻՏՈՒԹՅԱՆ ԵՎ ԿՐԹՈՒԹՅԱՆ ԲՆԱԳԱՎԱԾՈՆԵՐՈՒՄ ՆՇԱՆԱԿԱԼԻ ՆՎԱՃՈՒՄՆԵՐ ՈՒՆԵՑՈՂ  
ՔԱՂԱՔԱՑԻՆԵՐԻՆ ՊԱՐՏԱԴՐ ԶԻՆՎՈՐԱԿԱՆ ԾԱՌԱՅՈՒԹՅԱՆ ԶՈՐԱԿՈՉԻՑ ՏԱՐԿԵՏՈՒՄ ՏԱԼՈՒ  
ԿԱՐԳԸ ԵՎ ՊԱՅՄԱՆՆԵՐԸ ՍԱՀՄԱՆԵԼՈՒ, ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ  
2002 ԹՎԱԿԱՆԻ ՕԳՈՍՏՈՍԻ 29-Ի N 1394-Ն ԵՎ 2015 ԹՎԱԿԱՆԻ ՓԵՏՐՎԱՐԻ 5-Ի N 117-Ն  
ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ, ԻՆՉՊԵս ՆԱԵՎ ՀԱՅԱՍՏԱՆԻ  
ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2000 ԹՎԱԿԱՆԻ ՀՈՒՆՎԱՐԻ 13-Ի N 15 ՈՐՈՇՈՒՄՆ  
ՈՒԺԸ ԿՈՐՑՐԱԾ ՃԱՆԱՋԵԼՈՒ ՄԱՍԻՆ

Ղեկավարվելով «Զինվորական ծառայության և զինծառայողի կարգավիճակի մասին» Հայաստանի  
Հանրապետության օրենքի 22-րդ հոդվածի 5-րդ մասով՝ Հայաստանի Հանրապետության կառավարությունը **որոշում է.**

1. Սահմանել զիտության և կրթության բնագավառներում նշանակալի նվաճումներ ունեցող քաղաքացիներին  
պարտադիր զինվորական ծառայության գրակարգից տարկետում տալու կարգը և պայմանները՝ համաձայն հավելվածի:
2. Հայաստանի Հանրապետության կրթության և զիտության նախարարին՝
  - 1) սույն որոշումն ուժի մեջ մտնելուց հետո 20-օրյա ժամկետում ստեղծել զիտության և կրթության բնագավառներում  
նշանակալի նվաճումներ ունեցող քաղաքացիներին պարտադիր զինվորական ծառայության գորակոչից տարկետում  
տալու վերաբերյալ եղբակացություն տվող հանձնաժողով (այսուհետ հանձնաժողով) և հաստատել դրա կազմն ու  
գործունեության կարգը.
  - 2) հանձնաժողովի կազմը նախատեսել ոչ պակաս, քան 7 անդամ՝ հանձնաժողովի կազմում ներառելով  
ներկայացուցիչներ Հայաստանի Հանրապետության կրթության, զիտության, մշակույթի և սպորտի նախարարությունից  
ու Հայաստանի Հանրապետության պաշտպանության նախարարությունից, ինչպես նաև զիտության և կրթության  
բնագավառների հեղինակավոր մասնագետների.
  - 3) ապահովել հանձնաժողովի գործունեության կարգի, ինչպես նաև դրանում կատարվող հետազա

փոփոխությունների և լրացումների համաձայնեցումը Հայաստանի Հանրապետության պաշտպանության նախարարության հետ.

4) ապահովել հանձնաժողովի կազմի և գործունեության կարգի, հանձնաժողովի կայացրած եզրակացությունների հրապարակումը Հայաստանի Հանրապետության կրթության, գիտության, մշակույթի և սպորտի նախարարության պաշտոնական կայքում՝ դրանց կայացման օրվանից 3-օրյա ժամկետում:

**(2-րդ կետը փոփ. 03.10.19 N 1368-Ն)**

3. Ուժը կրցրած ձանաչել Հայաստանի Հանրապետության կառավարության 2002 թվականի օգոստոսի 29-ի «Օտարերկրյա պետությունների բարձրագույն ուսումնական կամ գիտակրթական հաստատություններ ընդունված Հայաստանի Հանրապետության քաղաքացիներին պարտադիր գինվորական ծառայության գորակոչից տարկետում տալու կարգը հաստատելու մասին» N 1394-Ն որոշման 2-րդ, 3-րդ, 4-րդ կետերը և որոշման 1-ին կետով հաստատված կարգի 1-ին, 2-րդ, 3-րդ, 4-րդ ու 5-րդ կետերը:

4. Հայաստանի Հանրապետության կառավարության 2015 թվականի փետրվարի 5-ի «Պետական պատվերով, միջպետական և միջգերատեսական համաձայնագրերով օտարերկրյա պետությունների բարձրագույն ուսումնական հաստատությունների ուսանողներին, օրդինատուրայում, ինտերնատուրայում, մագիստրատուրայում կամ ասպիրանտուրայում սովորողներին պարտադիր գինվորական ծառայության գորակոչից ուսումը շարունակելու համար տարկետում տալու դեպքերը և կարգը հաստատելու մասին» N 117-Ն որոշման մեջ կատարել հետևյալ փոփոխությունները:

1) ուժը կրցրած ձանաչել որոշման 1-ին կետով հաստատված կարգի 1-ին, 2-րդ, 3-րդ, 4-րդ, 5-րդ, 6-րդ, 7-րդ, 8-րդ, 9-րդ, 10-րդ և 11-րդ կետերը.

2) 14-րդ կետում «9-րդ, 11-րդ և 12-րդ կետերում» բառերը փոխարինել «12-րդ կետում» բառերով և կետից հանել «Զինապարտության մասին» Հայաստանի Հանրապետության» բառերը:

5. Ուժը կրցրած ձանաչել Հայաստանի Հանրապետության կառավարության 2000 թվականի հունվարի 13-ի «Զինապարտության մասին» Հայաստանի Հանրապետության օրենքի 11 հոդվածի 4-րդ կետի, 14 հոդվածի 1-ին կետի «ա» ենթակետի և 16 հոդվածի 2-րդ կետի կատարումն ապահովելու մասին» N 15 որոշումը:

6. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

**Հայաստանի Հանրապետության  
վարչապետի պաշտոնակատար**

**Կ. Կարապետյան**

2018 թ. ապրիլի 16  
Երևան

**Հավելված**  
ՀՀ կառավարության 2018 թվականի  
ապրիլի 12-ի N 451-Ն որոշման

**ԳԻՏՈՒԹՅԱՆ ԵՎ ԿՐԹՈՒԹՅԱՆ ԲՆԱԳԱՎԱՌՆԵՐՈՒՄ ՆՇԱՆԱԿԱԼԻ ՆՎԱՃՈՒՄՆԵՐ ՈՒՆԵՑՈՂ  
ՔԱՂԱՔԱՑԻՆԵՐԻՆ ՊԱՐՏԱԴԻՐ ԶԻՆՎՈՐԱԿԱՆ ԾԱՌԱՅՈՒԹՅԱՆ ԶՈՐԱԿՈՉԻՑ ՏԱՐԿԵՏՈՒՄ ՏԱԼՈՒ  
ԿԱՐԳԸ ԵՎ ՊԱՅՄԱՆՆԵՐԸ**

**I. ԸՆԴՀԱՆՈՒՐ ԴՐՈՒՅԹՆԵՐ**

1. Սույն կարգով կարգավորվում են գիտության և կրթության բնագավառներում նշանակալի նվաճումներ ունեցող քաղաքացիներին պարտադիր գինվորական ծառայության գորակոչից տարկետում տալու հետ կապված հարաբերությունները:

2. Սույն կարգի համաձայն քաղաքացուն օրենքով սահմանված պարտադիր գինվորական ծառայության գորակոչից տարկետում տրվում է Հայաստանի Հանրապետության կառավարության որոշմամբ՝ Կրթության, գիտության, մշակույթի և սպորտի նախարարի հրամանով ստեղծված հանձնաժողովի՝ սույն կարգի համաձայն կայացրած եզրակացությունը հաշվի առնելով: Հանձնաժողովը Կրթության, գիտության, մշակույթի և սպորտի նախարարին կից խորհրդակցական մարմին է, և նրա կայացրած եզրակացություններն ունեն խորհրդատվական բնույթ:

**(2-րդ կետը փոփ. 03.10.19 N 1368-Ն)**

3. Սույն կարգի համաձայն գիտության և կրթության բնագավառներում գործունեության համար պարտադիր գինվորական ծառայության գորակոչից տարկետում ստանալու նպատակով դիմումը ներկայացնելու պահին 17 տարին

քացած քաղաքացին կարող է տվյալ տարվա ապրիլի 1-ից մինչև մայիսի 1-ը կամ հոկտեմբերի 1-ից մինչև նոյեմբերի 1-ը դիմում ներկայացնել Կրթության, գիտության, մշակույթի և սպորտի նախարարություն։ Դիմումին կից ներկայացվում են քաղաքցու անձը և սույն կարգի համաձայն գիտության և կրթության բնագավառներում քաղաքցու գործունեությունը հաստատող, ինչպես նաև գիտական և (կամ) գիտատեխնիկական արդյունքներ պարունակող (նկարագրող) փաստաթղթերի բնօրինակները և դրանց պատճենները, իսկ սույն կարգի 7-րդ և 8-րդ կետերում նշված օլիմպիադաների, գիտաժողովների, մրցանակաբաշխությունների անցկացումը տվյալ տարվա մայիսի 1-ից կամ նոյեմբերի 1-ից հետո մինչև համապատասխան զորակոչության մասին, և դիմումին կցվում են մասնակցությունը հաստատող փաստաթղթերը։ Սույն կետով նախատեալած համապատասխան ժամկետներից հետո ներկայացված դիմումները ենթակա չեն բնարկման, և դիմումի ստացման օրվանից հետո երեք աշխատանքային օրվա ընթացքում վերադարձվում են դիմումատուին՝ նշելով դիմումը վերադարձնելու հիմքը։ Հանձնաժողովի կողմից բնօրինակ փաստաթղթերը վերադարձվում են դիմումատուին։ Հանձնաժողովով փաստաթղթաշրջանառությունն իրականացվում է Կրթության, գիտության, մշակույթի և սպորտի նախարարության աշխատակազմի միջոցով։

**(3-րդ կետը փոփ. 01.06.18 N 650-Ն, փոփ., լրաց. 03.10.19 N 1368-Ն)**

4. Սույն կարգի համաձայն ստեղծված հանձնաժողովն իր գործունեությունն իրականացնում է նիստերի միջոցով։ Նիստերը իրավիրկում են դիմումների առկայության դեպքում՝ ամսվա ընթացքում առնվազն մեկ անգամ, ըստ որում, մինչև տվյալ տարվա մայիսի 1-ը ներկայացված դիմումների բնարկման մասով վերջին նիստը պետք է տեղի ունենա ոչ ուշ, քան մինչև տվյալ տարվա մայիսի 15-ը (իսկ 2018 թվականի համար՝ մինչև հունիսի 25-ը), իսկ մինչև տվյալ տարվա նոյեմբերի 1-ը ներկայացված դիմումների բնարկման մասով վերջին նիստը ոչ ուշ, քան մինչև տվյալ տարվա նոյեմբերի 15-ը։ Հանձնաժողովի կողմից եզրակացություններն ընդունվում են նիստին ներկա հանձնաժողովի անդամների ձայների 2/3-ով։ Հանձնաժողովի նիստերը տեսաձայնարձվում են։ Հանձնաժողովի նիստին կարող են մասնակցել նաև դիմում ներկայացրած քաղաքացին կամ նրա ծնողները կամ նրա կողմից նշված այլ անձինք, սակայն յուրաքանչյուր քաղաքցու մասով՝ մեկ անձից ոչ ավելի։ Հանձնաժողովի նիստերին կարող են ներկա գտնվել նաև հասարակական կազմակերպությունների և լրագրողներ, որի վերաբերյալ վերջիններս մինչև նիստն սկսելը տեղեկացնում են հանձնաժողովի նախագահին։ Ցուրաքանչյուր նիստի ավարտից հետո եռօրյա ժամկետում հանձնաժողովի եզրակացությունները, նիստի արձանագրությունը և ստացված դիմումներն ու կից փաստաթղթերը ներկայացվում են Կրթության, գիտության, մշակույթի և սպորտի նախարարին՝ յոթ աշխատանքային օրվա ընթացքում, օրենքով սահմանված կարգով։ Հայաստանի Հանրապետության կառավարության որոշման նախագիծ մշակելու և շրջանառելու կամ դիմումը մերժելու համար՝ նշելով մերժման հիմքերը։ Հանձնաժողովի եզրակացությունները եռօրյա ժամկետում ուղարկվում են նաև դիմում ներկայացրած համապատասխան քաղաքացիներին։ Հանձնաժողովի եզրակացությունների ձևերը սահմանվում են հանձնաժողովի գործունեության կարգը հաստատելու մասին Կրթության, գիտության, մշակույթի և սպորտի նախարարի հրամանով։ Քաղաքացին կարող է հանձնաժողովի եզրակացության վերաբերյալ առարկություններ ներկայացել Կրթության, գիտության, մշակույթի և սպորտի նախարարին։ Եզրակացությունն ստանալու օրվանից հինգ աշխատանքային օրվա ընթացքում։

**(4-րդ կետը փոփ. 01.06.18 N 650-Ն, 03.10.19 N 1368-Ն)**

5. Սույն կարգի 4-րդ կետի համաձայն մինչև տվյալ տարվա մայիսի 1-ը (իսկ 2018 թվականի համար՝ մինչև հունիսի 8-ը) ներկայացված դիմումների մասով Կրթության, գիտության, մշակույթի և սպորտի նախարարության կողմից Հայաստանի Հանրապետության կառավարության համապատասխան որոշումների նախագծերը պաշտոնապես շրջանառության մեջ կարող են դրվել ոչ ուշ, քան մինչև տվյալ տարվա հունիսի 1-ը, իսկ մինչև տվյալ տարվա նոյեմբերի 1-ը ներկայացված դիմումների մասով ոչ ուշ, քան մինչև տվյալ տարվա դեկտեմբերի 1-ը բացառությամբ սույն կարգի 3-րդ կետով նախատեալած համապատասխան օլիմպիադաները, գիտաժողովները, մրցանակարաշխությունները տվյալ տարվա մայիսի 1-ից կամ տվյալ տարվա հունիսի 1-ից հետո մինչև համապատասխան զորակոչի ավարտը տեղի ունենալու դեպքերի, որոնց պարագայում Հայաստանի Հանրապետության կառավարության համապատասխան որոշման նախագիծը շրջանառության մեջ է դրվում դրանց մասնակցության արդյունքում քաղաքցու կողմից սույն կարգի 7-րդ և 8-րդ կետերում նշված արդյունքների վերաբերյալ տեղեկատվությունը Կրթության, գիտության, մշակույթի և սպորտի նախարարությանը փոխանցելու օրվանից ոչ ուշ, քան 3-օրյա ժամկետում։ Հայաստանի Հանրապետության կառավարության որոշման նախագիծը պաշտոնապես շրջանառության մեջ դնելով օրը որոշման նախագիծը տեղադրվում է նաև Կրթության, գիտության, մշակույթի և սպորտի նախարարության պաշտոնական կայքում և Հայաստանի Հանրապետության իրավական ակտերի նախագծերի հրապարակման www.e-draft.am միասնական կայքում՝ հրապարակային բնարկման նպատակով։

**(5-րդ կետը փոփ. 01.06.18 N 650-Ն, 03.10.19 N 1368-Ն)**

**II. ԳԻՏՈՒԹՅԱՆ ԵՎ ԿՐԹՈՒԹՅԱՆ ԲՆԱԳԱՎԱԾՆԵՐՈՒՄ ՆՇԱՆԱԿԱԼԻ ՆՎԱՃՈՒՄՆԵՐ ՈՒՆԵՑՈՂ ՔԱՂԱՔԱՑԻՆԵՐԻՆ ՊԱՐՏԱԴԻՐ ԶԻՆՎՈՐԱԿԱՆ ԾԱՌԱՑՈՒԹՅԱՆ ԶՈՐԱԿՈՉԻՑ ՏԱՐԿԵՏՈՒՄ ՏԱՅՄԱՆՆԵՐԸ**

6. Պարտադիր գինվորական ծառայության զորակոչից կարող են տարկետում ստանալ սույն կարգով սահմանված

նշանակալի նվաճումներ ունեցող քաղաքացիները:

**(6-րդ կետը փոփ. 03.10.19 N 1368-Ն)**

7. Բակալավրի (դիպլոմավորված մասնագետի, ինտեգրացված) կրթական ծրագրով սովորող (կամ տվյալ ուսումնական տարրա շրջանակներում դիմորդ հանդիսացող) քաղաքացիների նշանակալի նվաճումներ են համարվում հանձնաժողովներու դիմելու օրվան նախորդող երեք տարվա ընթացքում՝

1) քաղաքացու ստացած մրցանակները (ոսկե կամ արծաթե կամ բրոնզե մեդալներ) դպրոցականների հետևյալ առարկայական միջազգային օլիմպիադաներում՝

- ա. «International Mathematical Olympiad, IMO»՝ մաթեմատիկա առարկայից,
- բ. «International Physics Olympiad, IPhO»՝ ֆիզիկա առարկայից,
- շ. «International Chemistry Olympiad, IChO»՝ քիմիա առարկայից,
- դ. «International Olympiad in Informatics, IOI»՝ ինֆորմատիկա առարկայից,
- ե. «International Biology Olympiad, IBO»՝ կենսաբանություն առարկայից,
- զ. «International Philosophy Olympiad, IPO»՝ փիլիսոփայություն առարկայից,
- է. «International Astronomy Olympiad, IAO»՝ աստղագիտություն առարկայից,
- ը. «International Olympiad on Astronomy and Astrophysics, IOAA»՝ աստղագիտություն և աստղաֆիզիկա առարկաներից,

թ. «International Geography Olympiad, IGeO»՝ աշխարհագրություն առարկայից,

Ժ. «International Linguistics Olympiad, ILO»՝ լեզվաբանություն առարկայից,

Ժա. «International Junior Science Olympiad, IJSO»՝ բնագիտություն առարկայից,

ԺԲ. «International Earth Sciences Olympiad, IESO»՝ երկրի մասին գիտություն առարկայից,

2) քաղաքացու կողմից հայոց լեզու կամ հայ գրականություն կամ հայ ժողովրդի պատմություն առարկաներից դպրոցականների հանրապետական օլիմպիադաներում 1-ին տեղը գրաված լինելու հանգամանքը:

**(7-րդ կետը փոփ. 03.10.19 N 1368-Ն)**

8. Մագիստրատուրայի և ասպիրանտուրայի կրթական ծրագրերով սովորող (կամ դիմորդ հանդիսացող) քաղաքացիների նշանակալի նվաճումները գնահատվում են ըստ

1) դիմելու օրվան նախորդող երեք տարվա ընթացքում տվյալ մասնագիտության գծով միջազգային գիտաւելեկատվական շտեմարաններում, ինչպես նաև բարձրագույն որակավորման կոմիտեի ցանկում ընդգրկված ամսագրերում հրապարակված գիտական հոդվածների.

2) դիմելու օրվան նախորդող երեք տարվա ընթացքում տվյալ մասնագիտության գծով գիտաժողովների գեկույցների.

3) դիմելու օրվան նախորդող երեք տարվա ընթացքում ստացած գիտակրթական մրցանակների.

4) ուսումնառության շրջանակներում միջին որակական գնահատականի (ՄՊԳ) (մագիստրատուրայի համար՝ բակալավրի, իսկ ասպիրանտուրայի համար՝ մագիստրոսի կրթական ծրագրով ուսումնառության շրջանակներում), որը պետք է կազմի ՄՊԳ-ի առավելագույն արժեքի առնվազն 80 տոկոսը.

**5) (Ենթակետն ուժը կորցրել է 03.10.19 N 1368-Ն)**

**(8-րդ կետը փոփ., լրաց. 01.06.18 N 650-Ն, փոփ. 03.10.19 N 1368-Ն)**

9. Սույն կարգի 8-րդ կետով սահմանված նշանակալի նվաճումները հանձնաժողովնի կողմից հաշվարկվում են բարյան միավորների համակարգով՝ առավելագույնը 80 բալային միավորի սահմանաշափով, նշանակալի նվաճումների ցուցանիշների հաշվարկման մեթոդաբանության հիման վրա՝ համաձայն ձևի: Մագիստրոսի կրթական ծրագրի շրջանակներում տարկետման իրավունքի հավակնություն են ձեռք բերում առնվազն 49, իսկ ասպիրանտական կրթական ծրագրի շրջանակներում՝ առնվազն 51 բալային միավոր հավաքած քաղաքացիները:

**(9-րդ կետը փոփ. 01.06.18 N 650-Ն, փոփ. 03.10.19 N 1368-Ն)**

9.1. Նշանակալի նվաճում է համարվում քաղաքացու՝ աշխարհի լավագույն բարձրագույն ուսումնական հաստատությունների ակադեմիական վարկանշաբնուման <http://www.shanghaihairanking.com/#> կայքի տվյալ տարվա ցանկերի առաջին հինգ տասնյակում ընդգրկված հաստատություններում բակալավրի (դիպլոմավորված մասնագետի, ինտեգրացված), մագիստրատուրայի, ասպիրանտուրայի և այլ կրթական ծրագրերով առկա ուսուցմամբ սովորելու կամ դիմորդ հանդիսանալու հանգամանքը՝ կրթաքոչակի առնվազն 70 տոկոսի վերաբերյալ փաստաթղթերի առկայությամբ, բացառությամբ՝ անվճար կրթական ծրագրեր իրականացնող բարձրագույն ուսումնական հաստատությունների:

**(9.1-ին կետը լրաց. 01.06.18 N 650-Ն, փոփ. 03.10.19 N 1368-Ն)**

10. Սույն կարգի համաձայն գիտության և կրթության բնագավառներում նշանակալի նվաճումներ ունեցող քաղաքցուն Հայաստանի Հանրապետության կառավարության որոշմամբ տարկետում տրվում է համապատասխան կրթական ծրագրով ուսումնառության ժամկետով՝ սակայն ոչ ավելի, քան մինչև քաղաքացու 26 տարին լրանալու օրը:

11. Ստացած տարկետման ժամկետի ընթացքում յուրաքանչյուր տարրա մինչև սեպտեմբերի 30-ը քաղաքացին կամ նրա օրինական ներկայացուցիչը կամ նրա կողմից լիազորված անձը Կրթության, գիտության, մշակույթի և սպորտի նախարարություն և քաղաքացու գինավարական հաշվառումն իրականացրած առողջապահություն են ներկայացնում համապատասխան ուսումնական հաստատության կողմից տրված տեղեկանքները՝ հաջորդ կուրս փոխադրվելու վերաբերյալ:

**(11-րդ կետը փոփ. 03.10.19 N 1368-Ն)**

12. Տրված տարկետման ժամկետի ընթացքում ուսումնառությունը դադարեցվելու, ինչպես նաև սույն կարգի 11-րդ

կետով նախատեաված փաստաթղերը սահմանված ժամկետում չներկայացվելու դեպքերում Հայաստանի Հանրապետության կրթության և գիտության բնագավառի պետական լիազոր մարմինը Հայաստանի Հանրապետության կառավարություն է ներկայացնում քաղաքացուն տրված տարկետումը դադարեցնելու մասին Հայաստանի Հանրապետության կառավարության որոշման նախագիծ, որի ընդունումից հետո քաղաքացին կրցնում է տարկետման իրավունքը և ենթակա է պարտադիր գինվորական ծառայության գորակոչ՝ օրենքով սահմանված կարգով:

**(12-րդ կետը փոփ. 03.10.19 N 1368-Ն)**

13. Սույն կարգի համաձայն գիտության և կրթության բնագավառներում նշանակալի նվաճումներ ունեցող քաղաքացուն յուրաքանչյուր կրթական ծրագրով ուսումնառության համար տարկետում կարող է տրվել մեկ անգամ:

14. Սույն կարգի հիման վրա գիտության և կրթության բնագավառներում նշանակալի նվաճումների համար ասպիրանտական կրթական ծրագրի շրջանակներում տարկետում ստացած և գիտական աստիճան ունեցող քաղաքացուն սույն կարգի պահանջների համաձայն և ասպիրանտուրայում ուսումնառության ընթացքում սույն կարգով սահմանված ասպիրանտական կրթական ծրագրով տարկետում ստանալու համար անհրաժեշտ նշանակալի նվաճումների ցուցանիշներն ապահովելու և պետական գիտակրթական հաստատությունում կամ գիտական կազմակերպությունում գիտամանկավարժական կամ գիտական գործունեություն իրականացնելու դեպքում Հայաստանի Հանրապետության կառավարության որոշմամբ կարող է տրամադրվել տարկետում՝ սակայն ոչ ավելի, քան մինչև քաղաքացու 26 տարին լրանալու օրը:

15. Սույն կարգի համաձայն գիտության և կրթության բնագավառներում նշանակալի նվաճումների համար տարկետում ստացած ու տարկետման ժամկետի ավարտից հետո պարտադիր գինվորական ծառայության գորակոչված քաղաքացիները կարող են մասնակցել զինված ուժերի գիտական ստորաբաժանման համալրման մրցույթին և այլ հավասար պայմանների ապահովման դեպքում՝ օգտվել այդ ստորաբաժանումում ծառայության նշանակվելու նախապատվության իրավունքից:

**Հայաստանի Հանրապետության  
կառավարության աշխատակազմի  
դեկան**

**Վ. Ստեփանյան**

**21**

**Մ Ե Թ Ո Դ Ա Բ Ա Ն ՈՒ Թ Յ Յ ՈՒ Ն**

**ՆՇԱՆԱԿԱԼԻ ՆՎԱՃՈՒՄՆԵՐԻ ՑՈՒՑԱՆԽՇՆԵՐԻ ՀԱՇՎԱՐԿՄԱՆ**

Մագիստրատուրայի և ասպիրանտուրայի կրթական ծրագրերով սովորող քաղաքացիների նշանակալի նվաճումների ցուցանիշները հաշվարկվում են հետևյալ չափորոշիչների և դրանց վերապահվող միավորների հիման վրա՝

**(պարբերությունը փոփ. 03.10.19 N 1368-Ն)**

1. Գիտական հրապարակումներ (հոդվածներ): Գիտական հոդված՝ «Web of Knowledge» և «Scopus» միջազգային գիտատեղեկատվական շտեմարաններում, ինչպես նաև բարձրագույն որակավորման կոմիտեի ցանկում ընդգրկված ամսագրում հրապարակված՝ հղման ենթակա հոդված.

$$E_1 = \sum A \frac{(1 + C/10)^{1/3}}{N^{1/3}},$$

որտեղ յուրաքանչյուր հրապարակման (հոդվածի) համար՝

Ա-ն գիտատեղեկատվական շտեմարաններում ամսագրի ընդգրկվածությամբ որոշվող գործակիցն է՝

IF*	որոշված չէ	<0.2	0.2-0.5	0.5-1.0	1.0-2.0	2.0-5.0	>5.0
A**	3	5	10	13	15	17	20

\*) IF-ն ամսագրի տվյալ տարվա ազդեցության գործակիցն է՝ ըստ «Institute for Scientific Information (ISI JCR)»-ի տվյալների:

\*\*) Սահմանային արժեքի դեպքում վերցվում է առավելագույնը:

C-ն հղումների քանակն է՝ առանց ինքնահղումների.

N-ը համահետինակների կամ համամրցանակակիրների ընդհանուր թիվն է:

(1-ին կետը խմբ. 01.06.18 N 650-Ն, 03.10.19 N 1368-Ն)

2. Գիտաժողովների գեկույցներ: Հաշվի է առնվում միայն համապատասխան ինտերնետային կայքեջի կամ փաստաթղթային հաստատման առկայության դեպքում:

$$E_2 = \sum T \frac{1}{N^{1/3}},$$

յուրաքանչյուր գեկույցի համար՝

T=3,00՝ արտերկրում տեղի ունեցած գիտաժողովի գեկույց,

T=2,00՝ Հայաստանի Հանրապետությունում տեղի ունեցած միջազգային գիտաժողովի գեկույց,

T=1,00՝ Հայաստանի Հանրապետությունում տեղի ունեցած ոչ միջազգային գիտաժողովի գեկույց:

3. Գիտակրթական մրցանակներ: Գիտակրթական մրցանակ՝ միջազգային գիտական կամ գիտակրթական, Հայաստանի Հանրապետության կամ օտարերկրյա պետության պետական, Հայաստանի Հանրապետության Նախագահի, Հայաստանի Հանրապետության Նախագահի երիտասարդական, «Հայաստանի Հանրապետության լավագույն ուսանող» մրցանակներ, տեղեկատվական տեխնոլոգիաների բնագավառում Հայաստանի Հանրապետության Նախագահի կրթական պարգև: Հաշվի է առնվում միայն համապատասխան ինտերնետային կայքեջի կամ փաստաթղթային հաստատման առկայության դեպքում:

$$E_3 = \sum \Pr \frac{1}{N^{1/3}}$$

յուրաքանչյուր մրցանակի համար՝

Pr=10,00՝ միջազգային գիտական կամ գիտակրթական մրցանակ (Ճանաչված միջազգային գիտական մրցանակ, միջազգային ուսանողական օլիմպիադաների 1-3-րդ տեղեր),

Pr=5,00՝ Հայաստանի Հանրապետության կամ օտարերկրյա որևէ պետության պետական մրցանակ,

Pr=4,00՝ Հայաստանի Հանրապետության Նախագահի մրցանակ,

Pr=1,00՝ Հայաստանի Հանրապետության Նախագահի երիտասարդական, «Հայաստանի Հանրապետության լավագույն ուսանող» մրցանակներ, տեղեկատվական տեխնոլոգիաների բնագավառում Հայաստանի Հանրապետության Նախագահի կրթական պարգև:

4. Միջին որակակրիման գնահատականը՝ E4-ը, հաշվարկվում է բարձրագույն ուսումնական հաստատության կողմից տրված փաստաթղթի հիման վրա՝ հետևյալ բանաձևով՝

$$E_4 = \frac{ՄՊԳ}{ԱՄՊԳ} \times 20,$$

որտեղ՝

ՄՊԳ՝ հայցորդի միջին որակական գնահատականն է,

ԱՄՊԳ՝ տվյալ ԲՈՒՀ-ի միջին որակական գնահատականի առավելագույն արժեքն է:

(4-րդ կետը խմբ. 03.10.19 N 1368-Ն)

5. (կետն ուժը կորցրել է 03.10.19 N 1368-Ն)

6. Չափորոշիչներից յուրաքանչյուրին վերապահվող միավորների առավելագույն արժեքը 20 միավոր է:

7. Նշանակալի նվաճումների ցուցանիշը հաշվարկվում է ըստ հետևյալ բանաձևի՝

$$E = k_1 E_1 + k_2 E_2 + k_3 E_3 + k_4 E_4,$$

որտեղ՝

E -ն քաղաքացու նշանակալի նվաճումների ցուցանիշն է,

$E_1, E_2, E_3, E_4$  -ը դրա հաշվարկման համար հիմք ծառայած չափորոշիչներից ստացված միավորներն են,

$k_1, k_2, k_3, k_4$  -ը համամասնության գործակիցները բարձրագույն կրթության մագիստրոսական և ասպիրանտական կրթական

ծրագրերի համար որոշվում են ըստ հետևյալ աղյուսակի՝

Կրթական ծրագիրը	Համամասնության գործակցի արժեքը			
	K <sub>1</sub>	K <sub>2</sub>	K <sub>3</sub>	K <sub>4</sub>
Մագիստրատուրա	0.5	0.5	0.6	2.4
Ասպիրանտուրա	1.0	0.5	0.5	2.0

(7-րդ կետը խմբ. 01.06.18 N 650-Ն, փոփ., խմբ. 03.10.19 N 1368-Ն)

(ձեր խմբ., լրաց. 01.06.18 N 650-Ն, փոփ., խմբ. 03.10.19 N 1368-Ն)

(հավելվածը փոփ., լրաց. 01.06.18 N 650-Ն, փոփ., լրաց., խմբ. 03.10.19 N 1368-Ն)